



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Decretum de initio concilij.

**urn:nbn:de:hbz:466:1-10502**

indictus, initij Prouincialis Concilij sexti adest, Decimus scilicet huius mensis Maij. Non est nobis ignota prestantissima charitas vestra erga Deum & erga gregem vobis commissum.

Proinde instante iam die salutaris istius vestrae actionis, & synodalia deliberationum, nos N. & N. & huius sexti Conc. Prou. Promotores, ab Illustris. Dominatione Reuerendissimaq; Paternitate, auctoritate tua Metropolitana constituti, vt ex instrumento appareret quod R. D. N. Cancell. Archiepisc. Notarius publicus die septimo huius mensis Maij M. D. LXXXII. Pontif. Sanctiss. D. N. Gregorij Papae XIII. anno Decimo confecit; primo illud ipsum instrumentum in parte & causis fauorabilibus tantum exhibemus: & pro publico & autentico pronunciarum publiceque legi requirimus. Et quoniam Sacrosancti Concilij Tridentini decreto (quod in sessione vigesimaquarta, Capite secundo de reformatione exscriptum etiam exhibemus, publiceque legi petimus) cauetur, tertio saltem quoque anno Concilium Prouinciale conuocari, & celebrari, proptereaque ad illius praescriptum Dei gratia & munere iam pridem Synodis Prouincialibus quinque celebratis, nunc Concilij Prouincialis sexti, in superiori quinta Synodo, item Prouinciali decreto, quod etiam legi petimus, indicti dies praesens adest: pro officij nostri munere instamus & requirimus hoc Concilium Prouinciale sextum iam tunc Metropolitana auctoritate, ex formula decreti Prouincialis quarti indictum denunciatum & promulgatum, hoc ipso die per vos deliberari & declarari incipere & iam inceptum esse. Instamus praeterea & requirimus omnes & singulos Reuerendissimos Episcopos qui adiunt, & quocumque modo debent, nominatim vocari; alios item, qui inuitantur; testes etiam synodales, & omnes alios quoscumque vel generatim, vel speciatim interest: vt si quid pro publica huius Prouinciae utilitate habent, vel si quas controuersias item, quae componendae, sint habent, ad hanc praesentem Synodum referant, cuius prosperum suc-

Pars III.

cessum exoptamus & a Deo supplices, pijs orationibus precamur.

Intellecta Promotorum comparitione, & petitione, Illustris. D. Metropolitanus mandauit Instrumentum deputationis praedictum, ac decretum Tridentinum, & indictionem huius sexti Concilij Prouincialis in superiori quinto Concilio factum ad verbum a Cancell. Archiepiscopali alta & intelligibili voce in sessione legi: & ita factum est.

Accedens postea Cancell. ad Illustris. D. Metropolitanum, de ipsius manu decretum de aperiendo & inchoando Concilio accepit, & ascendens ambonem de scripto decretum de aperienda Synodo pronunciauit.

Eius decreti exemplum habetur supra in actis Conc. 1.

Hoc decreto recitato Cancell. de suggestu descendens, adhibitis R. Promotoribus ad Illustrissimum Metropolitanum & ad singulos Reuerendissimos Patres accessit, qui ordine sententiam rogati, consueta formula omnes responderunt: Placet.

Sententijs omnium concordibus Illustrissimo Metropolitanao relatis, respondit Deo gratias, & statim decretum de initio Concilij promulgandum Cancell. dedit, vt infra.

#### Decretum de initio Concilij.

**N**OS Carolus Sanctae Romanae Ecclesiae Presbyter Cardinalis tituli Sanctae Praxedis, & Archiepiscopus Sanctae Ecclesiae Mediolanensis, ad Dei omnipotentis, beatamque Mariae semper Virginis, ac Sancti Ambrosij Confessoris, & Beatorum Martyrum Prothasij & Geruasij patronorum nostrorum laudem, decernimus de consilio & consensu Reuerendissimorum DD. Coepiscoporum nostrorum, hoc ipso die, qui dies decimus est mensis Maij, adiutrice diuina misericordia, initium fieri, atque adeo iam factum esse Concilij Prouincialis sexti, quod in superiori proxima Synodo Prouinciali quinta decreto edito, nostra Metropolitana auctoritate indiximus, denunciauimus & promulgauimus.

K Decreto.



Decreto proximè præcedenti promulgato, Deo gratias agendas esse censerunt patres: ideo omnes assurgunt, & Hymnus. Te Deum laudamus, quem Illustrissimus Metropolitanus incœpit, Alternis choris canunt. Quo absoluto Reuerendi Promotores primò instant in hunc modum corâ Illustrissimo Metropolitano.

Instantia Promotorum prima.

**I**llustrissime & Reuerendiss. in Christo pater, & Domine D. Metropolitanæ, Illud in more positum est initio Synodi Prouincialis, decreta de modo viuendi, de eiusdem Concilij officialibus, de præiudicio nemini afferendo, de de non discedendo, legi atque edici: ideo ab Illustrissima & Reuerendissima Amplitudine tua petimus, vt quemadmodû moris est, de suggestu legantur, edicantur & promulgentur.

Audita Promotorum instantia, Illustrissimus Metropolitanus infrascripta decreta de suggestu promulganda Cancellario tradidit; & alta voce legit & promulgauit.

Decretum de modo viuendi.

In nomine sanctæ & Indiuiduæ Trinitatis, Patris, & Filij, & Spiritus sancti.

**N**O S Carolus Sanctæ Romanæ Ecclesiæ Presbyter Cardinalis Tit. Sanctæ Prædix, Dei, & Apostolicæ sedis gratia Archiepiscopus Sanctæ Ecclesiæ Mediolanensis. Multiplex & graue admodum, magnisq; curis implicitû munus, cum in omnibus alijs numeris atque officij Archiepiscopalis rationibus, tum verò etiam in hac Prouincialis Concilij actione, nobis impositum esse agnoscimus, experiundoq; sentimus.

Atque illud quidem sanè, non modò pastoralis quodam desiderio, aut voluntatis significatione; sed omni perenni sollicitudine, omni officio, atque adeo omni opere, sanctè religioseque præstare, planeq; exequi debemus. Cum autem consilij sumus, onus tam amplum,

grauissimis actionibus cumulatam, valde impar esse humeris nostris; eamque præterea esse humanæ conditionis nostræ imbecillitatem, vt non simus sufficientes, ne cogitare quidem aliquid ex nobis, sed sufficientiam omnem quæcunque sit, à Deo patre luminum existeret, qui postulâtibus à se sapientiam dat omnibus affluenter & non improperat eis: ideo in hac rerum Conciliarium Prouincialiumq; tractatione & consultatione, quæ tota in deliberationibus grauissimis conûmitur, non viribus nostris, quæ exiguæ sanè sunt, confisi; sed Dei viuis, cuius ministri sumus, ope atque auxilio freti, toto animo totaq; mente supplices illud ab eo deprecamur, vt nos regat, foueat, & dirigat mêtrem animusq; nostrum, ad ea, quæcunque prouinciæ rectè salutariterq; gerendæ rationibus opportuna, quæcunque optima sunt, & planè salutaria.

Obsecramus ergo Reuerendissimos Episcopos fratres nostros qui hoc loco adsunt, per Dominum nostrum Iesum Christum, & per charitatem Spiritus sancti, vt cum omnes pietatis opes, omnesque Episcopaliū virtutum facultates, quarum vbertate circumfluunt, in commune ad spiritalia Prouinciæ commoda perpetuò conferant; tum verò præcipuè salutaribus consilijs, sanctissimisq; precibus, conciliarem hanc actionem, quam spiritus sancto auctore hodierno die aggressi sumus, adiuuare studeant: orantes pro optimo huius Concilij sexti Prouincialis successu; vt Prouincia hæc tam sæpè Synodalibus suffulta adiumentis, & disciplinis, atque sanctissimis monitis excitata, clarissimisque sanctè agendi exemplis incensa, ardentiori studio in dies exardescat progrediendi in via Domini. Assiduè præterea in Dei laudes incumbat; purè castèq; sacrificium Missæ frequenter peragant; facientes, sicut Spiritus sanctus beati Apostoli Pauli vocibus præcipit, obsecrationes, orationes, postulationes, gratiarum actiones, pro Ecclesia sancta Dei, pro Sanctissimo Domino nostro Gregorio Papa Decimotertio, pro Sanctissimo Rege Catholico, cæterisque item regibus, ac reliquis